

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopis, Episcopis, Prioribus, Abbatibus, & aliis Ecclesiarum
Praelatis.

urn:nbn:de:hbz:466:1-20006

apostolica scripta & exhortamur attentiū & per scripta nostra p̄cipiendo mandamus quatenus cūm nos, quia duobus &c. sicut suprā usque reprobemus, & p̄diētum Ottōnem recipiamus in Regem, nonobstante juramento &c. usque non servandum, eidem Regi publicè non differas adhærere ac fovere potenter & viriliter partem ejus. Alioquin, cūm ei, sicut p̄diximus, fidelitatis p̄stiteris juramentum, si, quod non credimus, immo de quo nec etiam dubitamus, de cetero proprij fieres juramenti transgressor, in te procedere duriū cogemur. Datum ut suprā.

In eundem modum scriptum est Basiliensi Episcopo, & nobili viro Alberto Comiti de Thaiburg, & nobili viro R. Comiti de Thavesburgh, verbis competenter mutatis, ita quod unicuique scorsim.

*ARCHIEPISCOPI, EPISCOPI,
Prioribus, Abbatibus, & aliis Ecclesiarum
Prälatis.*

Epist. 46.

Aversarius noster diabolus, qui tamquam leo rugiens circuit querens quem devoret, animarum profectibus invidens & saluti, ne unde ipse per vitium superbia cecidit, homo per humilitatis meritum & opera pietatis ascendet, qua Dominus ad salvationem nostram potenter & mirabiliter operatur, quantum in eo est, dolosè ac callide in materiam perditionis assumit, dum in agro dominico zizania seminat, ne messis in manipulos tandem collecta redatur in horrea, sed in fasciculos alligata cremetur. Habet enim mille nocendi modos, utpote qui mala suggestit, bona turbat, osculum similem scandalizare nititur, & veritatis & sinceritatis azyma fermento malitia ac nequitia fermentare. Ecce siquidem cūm Dominus noster terram nativitatis suę tradi permisit in manibus pagorum, ut fidei Christianæ cultores peccatum suum saltem in pœna cognoscerent, & inter flagella tandem à suis iniquitatibus pœnitent, haberentque materiam non solum p̄territa expandi delicta, sed causam etiam commutandi temporalia in æterna & per martyrij palmam immarcessibilem promerendi coronam, inimicus homo ad solita malignitatis versutiam se convertens, inter catholicos Principes & populos Christianos discordia materiam adinvenerit, fraternalis acies contra se invicem & bella commovens intestina; ut dum frater in fratrem, proximus in amicum, & Christianus in Christianum leves niteretur injurias vindicare, oblivisceretur injuria Iesu Christi, & sanguis Domini consecrandus, quo debuerant cœlestia comparari, funderetur quasi dæmonibus, & temporalibus perditis gehennæ supplicium emeretur. Nos autem, quibus secundūm Apostolum non est colluctatio adversus carnem & sanguinem, sed adversus Principes & potestates, adversus mundi rectores tenebratum harum, & quibus est fidelium Christi sollicitudo commissa, fraudibus versuti hostis, quantum concesserit Dominus, obviare volentes, sicut olim pro variis non tam Ecclesie quam totius populi Christiani necessitatibus fratres nostros ad varias & diversas direximus regiones, ut de agro Domini zizania qua homo superfluvia-

verat inimicus avellerent, ne triticum, si cresceret, suffocarent, sic nunc venerabilem fratrem nostrum Prænestinum Episcopum apostolicæ sedis Legatum &c. in eundem modum ut in tertia * precedenti usque acceptum, principalius * id est, epist. & specialius pro facto imperij, ex cuius divi- 44. fione multa incommoda ferè toti Christianitati provenisse noseuntur, de fratum nostrorum consilio destinavimus, injuncto eidem Episcopo plena legationis officio, ut evellat quæ evelenda cognoverit, & planter quæ ipsius viderit sollicitudo plantanda. Monemus igitur universitatem vestram & exhortamur attentiū & per apostolica scripta p̄cipiendo mandamus quatenus eum cum eodem Notario sicut Legatum apostolicæ sedis, immo nos in eo recipientes humiliter & devotè ac honorificè p̄trafactantes, qua vel super negotio pro quo specialiter mittitur vel alii inter vos statuenda duxerit vel etiam corrigenda, inviolabiliter observetis. Alioquin sententiam quam propter hoc tulerit in rebellis, ratam haberi volumus, & faciemus auctore Domino inviolabiliter observari. Datum Laterani ut suprā.

*ILLVSTRI REGI
Francorum.*

Cum te, tamquam Christianissimum Principem, Regem catholicum, & speciale filium, noverimus nobis & Ecclesie Romanæ devotum, utpote quem devotionis affectus exhibendus apostolicæ sedi jure sibi hereditario vendicavit, à progenitoribus tuis inclitæ recordationis Francorum Regibus, eti successivè per singulos, in te tamen totus & integer derivatus, qui hujus puritatis succum contrahis à radice, vellemus ut & tibi, sicut s̄pē jam scripsimus, plenè mentis nostræ pateret arcanum; ut cūm intelligeretur quod filiale reverentiam exhibes non ingratia, nobis fieres de devote devotor, & pia intentionis propositum de die in diem in corde tuo radicaretur amplius, & in germe uberiori profiliret. Pro certo igitur noveris & habeas pro constanti quod inter ceteros Reges & Principes Christianos te specialis amoris prærogativa de corde puro, conscientia bona, & fide non ficta diligimus, & ad honorem, profectum, & exaltationem tuam ardentiū aspiramus. Vnde ne vel levem etiam maculam in gloria tua poneres, si super ordinatione imperij Romani, quod ad nos principaliiter & finaliter noscitur pertinere, ne dixerimus nostræ dispositioni refertes, sed nostræ non sequeritis beneplacitum voluntatis, & sic cum apostolica fide regnum Franciæ non sentiret, cui super arduis negotiis semper adhæsit, licet multa & magna nobis & nostris fuerint utrinque promissa, nec ad munera tamen flecti potuimus nec ad preces induci ut alterutram partem præter conscientiam tuam vellemus assumere, cūm vellemus tecum favere alteri & cum eodem tecum pariter prævalere. Ut ergo ferenitati tua nostra paceat dispositionis arcam, noveris quod examinantes merita personarum, invenimus quod alterius * promoto, * id est, Philippri præter alias rationes sufficienes & validas quibus ejus debet promoto impedi, & quas